Lev 7-D14

- a أهلاً وسهلاً
- b أهلين بحضرتك.
- a تفضّل. حضْرتك أستاذ غسّان مهنّا، ما هيك؟
 - b نعم أستاذ.
 - a وين درستْ يا أستاذ غسان؟
- b أنا درستْ بجامعة دمشق. وتخرجتْ من سنتَيْن من كِليّة الإدارة، قسم إدارة الأعمال.
 - a وشو عَمِلتْ بعد هيك؟
- b واللهِ، اشتغلتْ سنة بشركة نوكيا. بعدين اشتغلت ببنك. بس ما كِنتْ مَبْسُوط كتير بالشغل.
 - a ليش؟ شُغْل كتير؟
- b بالعَكْس. بالحقيقة ما كان في شغل. وكمان أستاذ، المَعاش ما كان كتير منيح.
 - a طيب ليش بدَّك تشتغل بشَركَتْنا؟ مِشان المعاش؟

- b لالا. أنا بحب الشغل كتير. وسمعت كتير عن شركتكُن من زميلي بالجامعة، وهو موظف عند حضرتكن.
 - a شو إسمُه زميلك؟
- b اسمه أُحْمَد الكَيْلاني، وهو بيِشتغل بِقسم الـmarketing.
- a إيه إيه. الأستاذ أحمد موظف ممتاز. طيب يا أستاذ غسّان، وكيفَك بالإنجليزي؟
- Good. b يعني، درست إنجليزي بالجامعة، بقرى كتير منيح بس بدي شوية practice بالحَكِي.
 - a طيب يا أستاذ غسان، تشرّفنا كتير. وانشالله خَيْر.
 - b شكراً. أيْمتى مُمْكِن تخَبِّرونى انشالله؟
 - a يعني أُسبوعين تلاتة انشالله.
 - b انشالله. طيب. بالإذْن.
 - a إذنك معك. مع السلامة.
 - b الله يسَلِّمَك.